

ერედვის მუნიციპალიტეტის საკრებულოს

დადგენილება №2

2021 წლის 1 თებერვალი

ქ. თბილისი

„ერედვის მუნიციპალიტეტის 2021 წლის ბიუჯეტის დამტკიცების შესახებ“ ერედვის მუნიციპალიტეტის საკრებულოს 2020 წლის 7 დეკემბრის №24 დადგენილებაში ცვლილების შეტანის თაობაზე

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის პირველი და მე-2 პუნქტების და საქართველოს ორგანული კანონის „ნორმატიული აქტების შესახებ“ მე-20 მუხლი მე-4 პუნქტის საფუძველზე, ერედვის მუნიციპალიტეტის საკრებულო ადგენს:

მუხლი 1

„ერედვის მუნიციპალიტეტის 2021 წლის ბიუჯეტის დამტკიცების შესახებ“ ერედვის მუნიციპალიტეტის საკრებულოს 2020 წლის 7 დეკემბრის №24 დადგენილებით (www.matsne.gov.ge, 08/12/2020; 190020020.35.147.016249) დამტკიცებული დანართის მე-17 მუხლის მე-5 პუნქტის 5.1.7 ქვეპუნქტი ჩამოყალიბდეს შემდეგი რედაქციით:

„5.1.7 დევნილთა ოჯახების დახმარება (ქვეპროგრამის კოდი 05 01 07)

ქვეპროგრამის ფარგლებში გათვალისწინებულია:

ა) ერედვის მუნიციპალიტეტის ტერიტორიაზე მუდმივად მცხოვრებ დევნილი ოჯახების დახმარება, რომლებიც ჩასახლებულნი არიან დევნილთა კომპაქტურ დასახლებებში, ერთჯერადად ბიუჯეტიდან გაეწევათ დახმარება სოციალური პროგრამის ფარგლებში სასურსათო კალათით. სასურსათო კალათის მიტანა მოხდება ადგილზე.

ბ) ერედვის მუნიციპალიტეტის ტერიტორიაზე მუდმივად მცხოვრებ დევნილ ოჯახებს, რომლებიც არ ცხოვრობენ დევნილთა კომპაქტურ დასახლებებში, ერთჯერადად ბიუჯეტიდან დახმარება გაეწევათ სოციალური პროგრამის ფარგლებში და სასურსათო კალათის ნაცვლად მიეცემათ ფულადი დახმარება.“.

მუხლი 2

დადგენილება ამოქმედდეს გამოქვეყნებისთანავე.

ერედვის მუნიციპალიტეტის
საკრებულოს თავმჯდომარე

ემზარ ბერუაშვილი

